

城固县志

一
四
册

城固縣志卷之八

署城固縣事西鄉縣知縣雲間王穆重修

藝文第十

補用直隸州知州署城固縣知縣江左徐德懷重刊

詩

梁

玩漢水

簡文帝

離色崑崙水泓澄龍首渠豈若茲川麗清流疾且徐
離離紳積淨藹藹樹陰疎石衣隨溜卷水芝扶浪舒
連翩瀉去櫟鏡澈倒遙虛耶持點纓上於是察川魚

唐

赴嘉州過城固縣尋永安超禪師
岑參

漣寺枇杷冬著花老僧相見具袈裟
漢王城北雪初霽韓信臺西日欲斜
門外不須催五馬林中且聽演三車
豈料巴川多勝事爲君書此報京華

宋

宗法院

韓 縝

久聞雲際山中有古招提新秋喜遠
覽銳意窮攀躋出郭值微雨涼風曉
萋萋陂陀越大嶺沙路清無泥

野沃稻田秀耒耜沿溝畦登岑復入谷漸過西山西
舉首望華屋雙岸鬱相攜虛橋駕烟靄峻闥排虹霓
下馬踏危級褰裳涉修梯超然層閣外仰視穹蒼低
俯眺亦何有森森喬木齊喧囂從吏語嘲哳驚禽啼
旣飯復搜討林間得幽蹊巖阿訪靈跡大士常高棲
古殿蝕苔蘚丹青暗塵翳俯身踐危蹬側足緣深溪
老樹陰潭黑風修飀蟬嘶懸泉洗陰壁瑩色如玻璃
佳觀誠可戀遲留懼顛擠捫蘿出天險始免魂神睽
緩步凌巖嶠雙旌隨杖藜回瞻花雨地已被烟雲迷

頓轡下平路晴川留馬蹄新篁映碧宇野寺臨長堤
乘倦駐歸策荒園步柔荑婆娑兩高樹磊落垂紅離
波井漱其液拂塵觀舊題出門尙斜日隱隱聞城鼙
勝槩亦陳迹茫然失端倪爲詩記髣髴吾友無訶詆

射虎行

丁運使

猛虎耽耽威百步一矢斃之侯甚武當時得雋驚倒
人此事今無聞往古孫郎登車方控弦千鈞竹弩伏
道邊終日獲彪何足數中石沒羽還徒然豈如跳哮
負林谷躍馬彎弓洞胸腹須知勇銳敵萬人下視虢

虎同麋鹿聲名籍籍喧上郡邊頭何憂恙不輸願憑
顧陸丹青手畫作君家射虎圖

時紹興甲子總管楊從義行饒峯有虎突出人皆
披靡義獨躍馬而前一矢殪之故公有此作

明

漢江源

薛瑄

巨峽自天開峨峨嶓嶭來廻還幽谷底清淺漢江源
泉古通元氣根深徹后坤朝宗東去意應不廢晨昏

斗山

郝晟

拋書乘興到蓬萊
拂盡塵襟醉眼開
入畫好山當戶
列如歌啼鳥近人來
雄樓傑閣凌雲漢
瑞草奇葩映
酒杯
掃石焚香延坐久
歸來明月滿蒼苔

孤貞歌

白桂

余節婦馬家母年方二十良人故一朝同死諒不難
旬月孤兒使誰撫門衰祚弱心皇皇孤兒日長性醇
良教書和淚手新寫正字從頭心不忘子在膝邊夫
在地千鈞一髮懸宗祀萬口誰能移所矢三從自許
成今志暮景侵尋鬢已皤孤兒食祿將登科馬家舊

住連城下高名直與同峯幾子生夫識嚴君面母教
至今猶不倦百年肯負泉下人寸念長於手中線卓
萊蔡笳何足數孟母共姜堪並賢孤兒今日廩祿養
少疇節母素心堅

遊靈巖

白桂

一佛卧空天三櫻佛殿前陵江浮北斗藥水引長年
曲徑花容笑叢林鳥語喧蓬萊何處是身世倚雲天
弔饒氏抱女死節

和鹽鼎

哀哀饒氏婦烈氣滿江頭重義死何畏全身生豈求

松摧青不改玉碎白常留芳骨隨波去清名萬古流

同三進士及熊令登寶山

子夏山人

寶山旣到莫空迴諺語相傳有自來蘭若蕙香名利
占楊黃柳翠起誰栽木龍脫柱頽輪藏水鶴巢松傍
井臺爲間三元讀書處桂雲都是此中培

廣利院

失名

翠嶺蒼巖帶落霞水縈平野一川斜二山相距無十
里數口俱仙有兩家仇穴便當營草屋武陵何必訪
桃花擇鄉試花詢風俗善政人人令尹誇

和斗山宮詩

郝 晟

凌空古栢繞迴廊幾度登臨入渺茫
洞口烟霞增秀麗嶺頭景物自芬芳
雨滋瑶草浸堦綠風送岩花撲鼻香
到此始知方外趣滿懷俗慮頓消忘

石峽堰

袁 宏

秦嶺壓天高莫極秦潭流水源千尺
千尺源頭慶深長馬盤高堰遙相望
百丈龍門通霹靂源流混混承天潢
就中石峽勢磅礴石齒鑿鑿鯨牙齧
關開石峽果伊誰漢中府推東魯郝
積薪舉火借天風五丁不

用驅神工二酉秘檢斯漏洩雲根銷泐泉源通下有
高腴田五萬不假人工自澆灌蒼生粒食國稅克平
地恩波天不旱我來立石登斗山紀功自慚才力慳
斯民坐享無窮利萬古鐫名字宙間

夏日登斗山

子夏山人

攬勝爲登北斗山萬松小徑夾雲間茯苓歲淺無兒
出打麥場空但鳥蠻一望水村連綺陌八風劍氣矗
清班琳宮妙處尋碑讀誰道仙人不可攀

斗山和韻

袁宏

松蒲山巔雲護廊蒼苔白石路微茫神仙洞府乾坤
別蓬島人家景物芳合抱紫荊綠歲久清霄丹桂散
天香箇中賸有無窮趣到此令人萬慮忘

留侯祠

由禮門

北橋曾與老人期帷幄常年帝者師帶礪勲開籌漢
日君臣義重爲韓時一身去國榮今古三傑垂名冠
鼎彝相伴赤松何處覓白雲寥落轉堪悲

過留侯辟穀處

前人

赤帝開昌運群豪効壯猷登壇驚漢將辟穀羨留侯

鳥盡弓終棄鴻冥志竟酬吾將爲吏隱長嘯老滄洲

和前韻

李梧

帷幄資奇略訐謨壯大猷亡名爲俠客寸舌取封侯
黃石書能用赤松願亦酬高踪如可挹不惜訪瀛洲

和前韻

李一本

一介塵埃士興劉伏秘猷殊中超百代蚤見異群侯
借箸開基遠封留雅志酬泛湖同比跡遠害去遐洲

和前韻

韓鵬

真人師帝日帷幄効嘉猷受旨一編簡提封萬戶侯

功成祿不食圯上約將酬顧我元同調相期方外州

悲憤二首

席增光

聞道漁陽紛戰鼓忽驚幽并播哀音草茅敢謂孤臣
遠涕泗應知萬里心龍去鼎湖雲黯黯鶴華一影沉
沉遙瞻北斗天門杳明月蘆花恨轉深歸

愁雲慘霧鎖桑乾五鳳樓中曙色殘望斷瑤池八駿
杳汨深湘竹九嶷寒披堅執銳銅駝易雪窖冰天馬
角難何若乘雲遺劍履光華日月照長安

郤聘

前人

生來骨相異公侯一往疎狂便自休
野鶴隨雲心殆遠沙鷗逐水意何求
不聞綺里妨蕭相幾見臯夔覓
許由寄謝弋人空設想鴻飛天外已難留

本朝

過沔邑謁武侯祠

江朝宗

隆中自是伊周爾王者不興公不起
若非三顧禮意慙焉得三分存漢紀
祁山六出土枕戈瀘水重經收
南鄙木牛流馬飛輓輸祭風返火赤千里
妙算神機人錯愕祇是巾綸而扇羽
一時豪傑多比肩折衝談

笑任揮指天師生瑜又生亮其他區區不足訾阿斗
庸才安僻處鞠躬盡瘁公死矣雖曰天意不興劉平
吳削魏中流砥最憐先王知遇深託孤自取胡爲齒
豈是後世多權術知臣謹慎猶虛已吁嗟兮不讀出
師先後表千古誰知天日矢儒者氣象王佐才三代
以下罕比擬我來祠下肅拜瞻聊述純忠寫片紙
按樂城爲武侯所築以貯糧草則有功民社宜建
專祠而竟不立祀何也想歷年久遠或有廢興亦
未可知余復五日京兆未經詳請不敢創造因入

郡伯此詩以誌遺意云

穆識

丙申孟春望後二日秋曹佛天來舒仁山兩同

寅偕延慶州宋澄菴刺史奉

命至秦道過漢中率賦三律

江朝宗

星輶至止入西京特奉綸音五省行直爲聖朝

除伏慝故勞天使載干旌亂流沸石甯中靜疊岫

穿雲足不平爭勝史遷空計臆山川到處盡知名

刑書共校白雲傍別後相思各一方君輩勲名依日

月余慚疎拙守巖疆開軒忽接郵亭傲戎僕爭趨棧